



Broj: 01-05-26804-52/19
Sarajevo, 22.08.2019. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničko pitanje,-

Zastupnik/poslanik Zvonko Marić je na Jedanaestoj radnoj sjednici Skupštine Kantona Sarajevo održanoj dana 15.07.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, postavio zastupničko pitanje:

“Zahvaljujem na odgovoru broj: 07-06-05-3736-4/19 od 12.06.2019. godine, te ljubazno molim da me obavijestite šta se poduzelo u konkretnim slučajevima bespravne sječe šume u smislu aktivnosti na nadoknadi štete shodno članu 24. stav (10) Zakona o šumama KS (Službene novine 5/13) kao i aktivnosti koje su propisane Pravilnikom o načinu utvrđivanja i nadoknadi štete pričinjene u šumama i na šumskom zemljištu (Službene novine KS 20/14).”

Odgovor:

Član 24. stav (10) Zakona o šumama Kantona Sarajevo (*“Službene novine Kantona Sarajevo”, broj 5/13*) propisuje da fizička i pravna lica koja nanese štetu po bilo kojem osnovu vlasniku šume i šumskog zemljišta dužna su vlasniku šume nadoknaditi štetu prema odštetnom cijenovniku. Pravilnik o načinu utvrđivanja i nadoknadi štete pričinjene u šumama i na šumskom zemljištu (*“Službene novine Kantona Sarajevo”, broj 20/14*) predstavlja samo detaljnu razradu člana 24. stav 10. Zakona. Dakle, suština člana 24. stav (10) Zakona jeste da se *visina štete* pričinjene vlasniku šume i šumskog zemljišta određuje prema odštetnom cijenovniku i primjenom Pravilnika o načinu utvrđivanja i nadoknadi štete pričinjene u šumama i na šumskom zemljištu.

Vlasnici šume kojima je pričinjena šteta mogu prema licima koja su im nanijela štetu podnijeti imovinskopravni zahtjev za naknadu štete (*odštetni zahtjev*). Ovaj odštetni zahtjev može se ostvariti u krivičnom postupku u okviru adhezionog (pridružnog) postupka, ili pak što je češće u praksi u parničnom postupku pred nadležnim sudom. Kada je riječ o državnim šumama i šumskom



zemljištu imovinskopravne zahtjeve za nadoknadu štete realiziraju KJP za gospodarenje državnim šumama i šumskim zemljištem Sarajevo šume d.o.o. Sarajevo. Drugim riječima, KJP "Sarajevo šume" kao eksponenti državnog vlasništva, između ostalog gospodare državnim šumama i šumskim zemljištem na osnovu člana 47. Zakona o šumama Kantona Sarajevo, a posebno jer su upisani i u zemljišnoj knjizi kao titulari stvarnog prava (prava raspolaganja), kao aktivno legitimisani pokreću pred nadležnim sudom protiv lica koja su nanijela štetu državnoj šumi i šumskom zemljištu postupke za nadoknadu štete, a visinu odštetnog zahtjeva KJP "Sarajevo šume" određuju prema odštetnom cijenovniku i gore spomenutom Pravilniku.

Kada je riječ o privatnim šumama i šumskom zemljištu vlasnici tih šuma i šumskog zemljišta također imovinsko pravne zahtjeve ostvaruju u postupku pred nadležnim sudom i visina odštetnog zahtjeva se određuje prema odštetnom cijenovniku.

Dakle, da rezimiramo sve aktivnosti vezane za nadoknadu pričinjene štete u državnim šumama i šumskom zemljištu nisu u nadležnosti Ministarstva privrede – Uprave za šumarstvo, već u nadležnosti KJP "Sarajevo šuma" d.o.o. Sarajevo.

S poštovanjem,



Dostavljeno:

1. Naslovu,
2. Vladi Kantona Sarajevo/Stručnoj službi Vlade KS, /CS
3. Evidenciji,
4. a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

